



Danas

Umjereno oblačno
i sunčano

Dragan Čavić,
kandidat za
predsjednika RS
**Srpskoj je
potrebna
"koalicija
pameti"**

● 4. i 5. strana

Zavod PIO/MIO
Federacije BiH

**Penzije 29.
septembra**

● 3. strana

Nakon optužbi da je
pomagao Mladiću

**Marko
Lugonja
pokušao
pobjeći u
Moskvu**

● 2. strana

Medicinski fakultet
u Sarajevu

**Izbor
dekana
podijelio
profesore**

● 6. strana

EKSKLUZIVNO

Wolfgang Petrič, čelnik Centra za
evropske integracione strategije

PORUČUJEM BRISELU I VAŠINGTONU DA NE NAPUŠTAJU BiH

Svi u Bosni i Hercegovini moraju biti uvjereni da se zemlja mora
pripremiti za vrlo tešku tranziciju i stajanje na vlastite noge

● 7. strana

Ivo Miro Jović, član Predsjedništva BiH



Adnan Terzić brži od kolektivnog šefa države

AP

● 7. strana

Terzić u Njujorku bez odluke Predsjedništva

FEAL

Tvornica za preradu aluminija

Na simpoziju u Rimu reis Cerić istakao
**Iznenadeni smo što se zbog
grešaka nekih muslimana
krivi Božiji Poslanik**

● 9. strana

Volfgang Petrič, čelnik Centra za evropske integracione strategije

Poručujem Briselu i Vašingtonu da ne napuštaju Bosnu i Hercegovinu

Svi u BiH moraju biti uvjereni da se zemlja mora pripremiti za vrlo tešku tranziciju i stajanje na vlastite noge

Centar za evropske integracione strategije predložio je nedavno održavanje međunarodne konferencije u BiH naredne godine, koja bi, između ostalog, trebalo da ponudi analizu statusa BiH, kao osnov za političku debatu o budućnosti zemlje. Jedan od čelnih ljudi CEIS-a i bivši visoki predstavnik u BiH Wolfgang Petrič u razgovoru za naš list navodi da bi ovakva analiza trebalo da bude obaveza međunarodne zajednice, prije zatvaranja OHR.

Prilika za uspjeh

● Zar nismo imali dovoljno konferencija i okruglih stolova o BiH?

“Konferencija nije prava riječ. U kakvom god obliku skup bio



Wolfgang Petrič: BiH treba veću podršku nego druge zemlje

organizovan, on mora polučiti procjenu onoga što je urađeno od Dejtona i šta još nedostaje. S obzirom na to da je Dejtonski sporazum primarno tvorevina međunarodne zajednice, mislim da je njena obaveza, prije nego OHR bude zatvoren, da izađe sa dubokom i analitičkom procjenom, plusevima i minusima, kako bismo sagledali šta međunarodna zajednica sa OHR i Vijećem za implementaciju mira još treba da uradi prije nego zatvori vrata.

Bez Balkana Evropa nije EU

● Kako komentarišete posljednje rezultate Eurobarometra koji govore o rastućem euroskepticizmu u EU?

“Zabrinut sam što su mnogi građani EU sve više skeptični prema proširenju. Isto tako, uvjeren sam da ukoliko u EU ne budu sve balkanske zemlje, Evropa neće biti Evropa. BiH nije komšiluk, već dio evropske kuće i to mora biti razjašnjeno građanima EU. U svakom slučaju, BiH je ta koja mora učiniti napor da pokaže kako je ozbiljna u pridruživanju EU. A to znači racionalizaciju institucija, manje skupu vladu, više investicija u posao i obrazovanje i regionalnu saradnju.”

Moj apel je zapravo upućen Briselu i Vašingtonu, da to ne čini rutinski, tipa: mi sad zatvaramo, a vi uradite ostalo. Mislim da je obaveza međunarodne zajednice da Bosni i Hercegovini obezbijedi funkcionirajuću strukturu.

Ova zemlja ima previše nivoa

sam za ono što se naziva lokalna odgovornost, ali prije nego počne razgovor o tome, onima koji će preuzeti odgovornosti treba dati fer priliku za uspjeh.”

● Kako uvjeriti političare u RS da Dejton treba mijenjati?

“Svi u BiH moraju biti uvjereni da se zemlja mora pripremiti za tešku tranziciju i stajanje na vlastite noge. Da bi se postalo članicom EU, moraju biti ispunjeni preduslovi.”

Podrška, a ne pritisak

● Oni to već znaju, pa ništa.

“Da, ali te političare treba uvjeriti snažnim činjenicama i argumentima. Zato je potrebna procjena i to ekonomista, politikologa, pravnika... Potrebna vam je solidna baza za političku debatu. Sada je vrijeme i ja opet apelujem na međunarodnu zajednicu da predvođena OHR-om izađe sa procjenom statusa BiH.”

● Očigledno je da značajnog reformskog napretka do polovine naredne godine neće biti. Mislite li da OHR treba ostati još neko vrijeme?

“Ako ne OHR, onda to treba biti EU. Sada je više vidim kad faktor podrške, nego nametanja rješenja. Trebamo aktivnu ulogu EU, veću nego u ostalim nastalim državama. Ovo je druga tranzicija. Prva je bila od rata ka miru, ova je od zavisnosti do potpune nezavisnosti.”

Marina KAVAZ - SIRUČIĆ